

Trayekto di Formashon Sosial	
Kòrsou	
Tema H: Fortalesé Estado di Derecho	
Dia promé di aprel 2021, Kòrsou a hasi disponibel e lugánan pa kore stazje nesesario pa e Trayekto di Formashon Sosial (SVT). Kòrsou i Defensa lo firma konvenio ku ta pèrkurá pa esaki promé ku di promé di febrüari di 2021.	
Motibu	<p>Despues di 2017, e SVT (Trayekto Formashon Sosial) na Aruba i Kòrsou tabata ‘inaktivo’. Ku akuerdonan aktualisá i esfuerso renobá ta bolbe ehekutá e SVT.</p> <p>Desempleo hubenil ta un problema grandi na Kòrsou. Demasiado hóben no ta kaba skol, no ta kaba nan estudio (vokashonal) òf ta bini den kontakto ku hustisia. Nan mester di èkstra ayudo pa bolbe haña perspektiva pa futuro.</p>
Ophetivo	<p>Pais Kòrsou i CZMCARIB pa medio di un konvenio ta hasi transparente kon e sosten mutuo di SVT ku personal, medionan, servisionan ta tuma lugá na Kòrsou. A la bes e konvenio aki ta aklará kua ta e tareanan i ròlnan ku e gobièrnu di Kòrsou i CZMCARIB ta komprometé nan mes kuné.</p> <p>E meta di e parti di SVT pa kua Defensa ta responsabel, ta entre otro mas tantu formashon di e kandidatonan selektá den un konteksto militar pa medio di siñamentu di norma, balor, disiplina, struktura, resistensia mental, sentido di responsabilidad, i kolaborashon.</p> <p>E meta primario di e trayektonan di siña i traha pa kua pais Kòrsou ta responsabel, ta kompra di trayektonan di siña i traha na midí ku ta konektá ku e kapasidatnan di e grupo di enfoke i alabes na e demanda riba merkado laboral, huntu ku kua e hóbenan vulnerabel aki i hóbenan bou di riesgo, ku e guia intensivo korekto, ta siña kapasidatnan básiko i kapasidatnan di trabou pa para firme riba merkado laboral.</p>
Enkargo	Un konvenio i plan di akshon nobo pa SVT, a base di kua por krea trayektonan di siña i traha na midí i konforme merkado pa hóben adulto entre 18 i 24 aña, en prinsipio sin kualifikashon básiko òf un trabou.
Akshon ku a skohe p’e	<p>Kolaborashon interministerial, ku ta konsistí di Ministerio di JUS (Hustisia i Siguridat), SOAW (Asuntunan Sosial i Empleo), i OWCS (Enseñansa, Kultura i Siensia), den bon sinkronisashon ku CZMCARIB.</p> <p>Mediante un konvenio Defensa ta duna un kontribushon mas grandi na e SVT di Pais Kòrsou ku ántes. Defensa ta finansiá e trayekto preliminar siendo e parti di formashon henteramente. “En prinsipio” no tin kompensashon ta tuma lugá ku Pais Kòrsou. En kambio, pais Kòrsou lo invertí 1.2 mion riba un base anual, den diferente trayektonan di siña i traha. E trayekto ta enserá un Sosial Vormende Training (SVT; Entrenamentu Formashon Sosial) estilo militar na e kazèrne di marina na Suffisant, despues di kua nan ta haña eksperensia relevante ku e trabou via Trayektonan di Siña i Traha (LWT) i despues sali pa trabou kontra pago òf un estudio avansá.</p>

Logronan deseá	Konvenio firmá Hulanda/ Kòrsou, plan di akshon SVT/LWT stipulá, organisashon di ehekushon skohé bou di guia di un lider di proyekto nombrá pa pais Kòrsou ku e.o. ta establese i implementá e trayektonan di siña i traha, i ta tuma e guia operashonal diario di e proyekto riba dje. E trayekto SVT/Defensa i e trayekto SVP/LWT Kòrsou ta konektá ku otro sin problema, ku komo resultado ku 75% di e partisipantenan ta sigui henter e trayekto ku éksito. Konvenio firmá dunadónan di trabou realisá ku sektor privá pa garantisá salida 70% di e partisipantenan pa un trabou.
Kondishonnan, koheshon i/òf dependensia	Wak (e.o.) p. 8 Konvenio SVT.
Planifikashon	Ta inkluí den konvenio SVT firmá i Plan di akshon “Un komienso nobo” establese. Dos logro importante deseá ta promé di mart 2022 start trayekto SVT i promé di yùli 2022 start di trayekto LWT.